

文翰大成

九之十

樂府

自周至唐

漢書門			
類	號	函	架
三	七	四	一
一	四	三	一
一	〇	〇	〇

內閣文庫			
類	號	冊	架
三	七	四	一
一	四	三	一
一	〇	〇	〇

內閣文庫			
番號	漢	3741	
冊數	100( 8 )		
函號	362	68	





以知府類目錄

淺草文庫

穆天子一首

燕荊詞一首

漢

古辭 五首

辛延年一首

宋子侯一首

魏

文帝 三首

明帝 一首

曹子建 一首

王仲宣 四首

繆熙伯 八首

裴讓之 一首

祖叔辨 一首

韋昭 六首

晉

古辭 一首

傅休之 一首

張茂先 三首

石季倫 二首



陸士衡二首 劉越石一首 揚方一首

宋

古辭一首 何承天七首 鮑明遠三首 吳邁遠一首

湯惠休一首 劉義恭一首 何偃一首

齊

謝玄暉五首 陶道明八首 王融三首 虞羲二首

張思光一首 釋寶月一首

梁

武帝三首 簡文帝七首 元帝六首 昭明太子三首

費昶一首 王僧孺一首 戴嵩一首 張率五首

庾成師一首 何仲言一首 劉孝威三首 沈休文五首

江從簡一首 車敫一首 吳均五首 范彥龍一首

文翰類選卷第九

左長史二海李伯璵編輯

伴 讀慈谿馮厚校正

樂府類

周

黃澤謠 穆天子 各滿昭王之

皇之陀其馬歎沙皇入威儀皇之澤其馬歎玉皇入壽穀

渡易水 燕荆軻子丹客燕太

風蕭蕭兮易水寒壯士一去兮不復還

漢

上之回

古辭

上之回所中益夏將至行將北以承甘泉宮寒暑德遊石闕







云負子胥戎王納女樂以亡其由余驛馬禍及號二國俱為墟三夫成市庸慈母投杼趨卞和之刑足接輿歸草廬

羽林印

辛延年

昔有趙家姝姓馮名子都依倚將軍勢調笑酒家胡姬年十五春日獨出田壩長裾連理帶廣袖合歡襦頭上藍田玉耳後大秦珠兩圓不何窈一髮五百萬兩環千萬餘不意金吾小娉婷過我廬銀鞍何煜爛翠蓋空踟躕就我求清酒絲繩以玉壺就我求珍肴金盤繪鯉魚貽我青銅鏡結我紅羅裾小惜紅羅裂何論輕賤軀男兒愛後婦女子重前夫人生有小利故貴賤不相踰多謝金吾子私愛徒區區

董嬌姓阮

宋子侯

洛陽城東路姓李生路傍花自相對葉自相當春風東

北起花葉正低昂不知誰家子提籠行採桑纖手折其枝花落何飄颺請謝彼姝子何為見損傷高秋八九月白露變為霜終年會飄墮安得久馨香秋時自零落春月復芬芳何時盛年去懽愛永相忘吾欲竟此曲此曲必心人腸歸來酌美酒挾瑟上高堂

魏

釣竿

文帝

姓曹名丕武帝標之干

東越河濟水遙望大海涯釣竿何珊珊名尾何筵行路之好者芳餌欲何為

臨高臺

臨臺行高以軒下有水清且寒中有更鵠往且翻行為臣當盡忠願令皇帝陛下三千歲宜居此台鵠欲南遊雌不能



隨我欲窮銜汝口。噤不能開欲負之。毛。不摧頽。五里一顧。六里徘徊。

月重輪

三辰垂光照臨四海。煥哉何煌煌。悠悠與天地久長。愚見月前聖觀萬年。明闇相絕。何可勝言。

樂府

明帝名獻文

種瓜東井上。母之自踰垣。與君新為婚。瓜葛相結連。寄託不肖軀。有如倚太山。免絲無根株。蔓延自登緣。萍藻託清流。常恐身不全。被蒙丘山惠。賤妾執拳。天日照知之。想君亦俱然。

白馬篇

曹子建

白馬飾金羈。遠翮西北馳。借問誰家子。幽并游俠兒。少小去鄉邑。揚聲沙漠垂。宿昔秉良弓。楛矢何參差。控弦破左的。右

發。從月支。仰手接飛猱。俯身散馬蹄。狡捷過猿猴。勇剽若豹。螭。遠城多警急。胡虜數遷移。羽檄從北來。厲馬登高堤。左驅蹈匈奴。右顧陵鮮卑。寄身鋒刃端。性命安可懷。父母且不顧。何言子與妻。子。編壯士籍。不得終顧私。捐軀赴國難。視死忽如歸。

遠遊篇

遠遊臨四海。俯仰觀洪波。大魚若曲陵。承浪相經過。靈龜戴方丈。神岳巖嵒。峩峩仙人翔其隅。玉女戲其阿。瓊藥可療飢。仰漱吸朝霞。出比崙本吾宅。中州非我家。將歸謁東父。一舉超流沙。鼓翼舞時風。長嘯激清歌。金石固易弊。日月同光華。齊年與天地。萬垂安足多。

仙人篇



仙人攬六著。對博太山隅。湘娥拊琴瑟。秦女吹笙竽。玉樽盈  
桂酒。河伯獻神魚。四海一何局。九州安所如。韓終與王喬。要  
我於天衢。萬里不足步。輕舉凌太虛。飛騰踰景雲。高風吹我  
軀。迴駕觀紫微。與帝合靈符。閭闔正差我。雙闕萬丈餘。玉樹  
扶道生。白虎夾門樞。驅風游四海。東過王母廬。俯觀五岳間。  
人生如寄居。潛光養羽翼。進趨且徐徐。不見軒轅氏。乘龍出  
鼎湖。徘徊九天下。與爾長相須。

鬪鷄篇

遊目極妙伎。清聽厭宮商。主人寂無爲。衆賓進樂方。長筵坐  
戲客。鬪鷄觀閒房。群雄正翕赫。雙翅自飛揚。揮羽激清風。悍  
目發朱光。翮落輕毛散。嚴距往往傷。長鳴入青雲。兩翼獨翺  
翔。願蒙狸膏助。常得擅此場。

平陵東

閭闔開天衢。通被我羽衣。乘飛龍。乘飛龍。與仙期。東上蓬萊  
採靈芝。靈芝採之可服食。年若王父無終極。

門有萬里客

門有萬里客。問君何鄉人。褰衣起從之。果得心所親。挽裳對  
有泣。太息前自陳。本是朔方士。今爲吳越民。行行將復行。去  
去適西秦。

俞兒舞

王仲宣

漢初建國家。匡九州。蠻荆震服。五刃三革休。安不忘備。武樂  
脩。宴我賓師。敬用御天。求樂無憂。子孫受百福。常與松喬游。  
烝庶德。莫不咸歡柔。

右子俞



材官選士。劍弩錯陳。應桴蹈節。俯仰若神。綏我武烈。篤我厚仁。自東自西。莫不來賓。

右弩俞

武功既定。庶士咸綏。樂陳我廣庭。式宴賓與師。昭文德。宣武威。平九有。撫民黎。荷天寵。延壽尸。千載莫我違。

右安臺

神武用師。士素厲仁。恩廣覆。猛節橫。逝自古立功。莫我弘大。栢栢征四國。爰及海裔。漢國保長慶。垂祚延萬世。

右行辭

應帝期

繆熙伯

名襲侍中書光祿勳

應帝期於昭我文皇。歷數承天序。龍飛自許昌。聰明昭四表。恩德動遐方。星辰為垂耀。日月為重光。河洛吐符瑞。草木挺

嘉祥。麒麟步郊野。黃龍游津梁。白虎依山林。鳳凰鳴高岡。考

圖定篇籍功。配上古義皇。義皇無遺文。仁聖相因循。期運三

千歲。一生聖明君。堯授舜萬國。萬國皆附親。四門為穆教

化常如神。大魏興。聖與之為鄰。

太和

惟太和元年。皇帝踐祚。聖且仁。德澤為流布。灾蝗一時為絕。息。上天時雨露。五穀滋田疇。四民相率。遵軌度。事務澂清。天下獄訟察。以情。元首明。魏家如此。加得不太平。

楚之平

楚之平。我兵征。神武奮金鼓。鳴萬。武德揚洪名。漢室微。社稷傾。皇道失。栢與靈。閣官熾。群雄爭。造韓起亂。金城中國擾。無紀。經赫武皇。起旗旌。麾天下。天下平。濟九州。九州寧。創武功。



武功成越五帝。邈三王。興禮樂。定如網。普日月。齊輝光。

戰榮陽

戰榮陽。汴水陂。戎士憤怒貫甲馳。陣未成。退徐榮。二萬騎。斬  
鼂。幸戎馬傷。六軍驚。勢不集。衆幾傾。白日沒。時晦冥。顧中牟。  
心屏營。同盟疑。計無成。賴我武皇萬國寧。

獲呂布

獲呂布。戮陳宮。艾夷鯨鯢。驅騁群雄。囊括天下。運掌中。

克官渡

克紹官渡。由白馬。鬪屍流血被原野。賊衆如犬羊。王師尚寡。  
沙埽傍風飛揚。轉戰不利。士卒傷。一日不勝。後何望。七山地  
道不可當。卒勝大捷。震冀方。屠城破邑。神武遂章。

舊邦

舊邦蕭條。心傷悲。孤魂翻。當何依。遊士戀故涕如摧。兵起  
事大令。願違。傳求親戚在者誰。立廟置後。魂來歸。

定武功

定武功。濟黃河。河水湯。旦暮有橫流。波袁氏。欲哀元。弟尋  
干戈。決漳水。水流滂沱。嗟城中。如流魚。誰能復。顧室家。計窮  
慮盡。求來連和。和不時。心中憂戚。賊衆內潰。君臣奔北。拔鄴  
城。奄有魏國。王業艱難。覽觀古今。可為長歎。

有所思

裴讓之

夢中雖暫見。及覺始知非。展轉不能寐。徒倚獨披衣。悽悽曉  
風急。暗。月光微。室同常。達旦。所思終不歸。

千里思

祖叔辨

細君辭漢宇。王嬙即虜衢。寂。人逢阻。迢。天路殊。憂來似



懸旆。淚下若連珠。無因上林鴈。但見邊城蕪。

吳

承天命 韋昭

承天命。於昭聖德。三精垂象。符靈表德。巨石立。九穗植。龍金其鱗。烏赤其色。輿人歌億。夫嘆息。超龍升。襲帝服。窮溥懿體。玄嘿夙興。臨朝勞謙。日昊易簡。以崇仁放。遠讓與。惠舉賢才。親近有德。均田疇。茂稼。審法令。定品式。考功能。用黜陟。人思自盡。唯心與力。家國治。王道直。思我帝。皇壽萬億。長保天祿。祚無極。

炎精缺

炎精缺。漢道微。皇綱弛。政德違。眾姦熾。民罔依。赫武烈。越龍飛。陟天衢。耀靈威。鳴雷鼓。抗電麾。撫乾。鎮地。機屬。虎旅。騁

熊。罷發神聽。吐英奇。張角破。邊韓羈。宛穎平。南土綏。神武章。渥澤施。金聲震。仁風馳。顯高門。啓皇基。統罔極。垂將來。

漢之季

漢之季。董卓亂。相拒武烈。應時運。義兵興。雲旗建。厲六師。羅八陣。飛鳴鏑。接白刃。輕騎發。介士奮。醜虜震。使眾散。劫漢主。遷西館。雄豪怒。元惡憤。赫赫皇祖功名聞。

據武師

據武師。斬黃祖。搆夷凶。族革平。西夏炎。炎天烈。震天下。

秋風

秋風揚。沙塵寒。露沾衣裳。角弓持弦急。鳩鳥化為鷹。邊垂飛羽。檄寇賊。侵界疆。跨馬披介冑。慷慨懷悲傷。辭親向長路。安知存與亡。窮達固有分。志士思立功。思立功。邀之戰場身。逸



獲高賞身沒有遺封

克皖城

克滅皖城遏寇賊惡此凶孽阻姦慝王師赫征衆傾覆除穢去暴戢女革民得就農邊境息誅君弔民昭至德

晉

拂舞歌獨漉篇

古辭

獨漉獨漉水深泥濁泥濁尚可水深殺我雍雍雙鴈遊戲田畔我欲射鴈念子孤散翩翩浮萍得風遙輕我心何合與之同并空牀低帷誰知無人夜衣錦繡誰別偽真刀鳴削中倚牀無施父冤不報欲活何為猛筆兀斑斑遊戲山間虎欲啣人不避豪賢

靈之祥

傅休奕

靈之祥石瑞章旌金德出西方天降命授宣皇應期運時龍驟繼大舜佐陶唐讚文武建帝綱孟氏叛據南疆追有扈亂五常吳寇動蜀虜疆交誓盟連遐荒宣赫怒奮鷹揚震乾威曜電光陵九天陷石城梟逆命拯有生萬國安四海寧

景龍飛

景龍飛御天威聰鑒玄察動與神明協機從之者顯逆之者滅夷文教敷武功魏晉被四海萬邦望風莫不來綏聖德潛斷先天弗違祥享世永長猛以致寬道化光赫明明祚隆無疆帝績惟期有命既集崇此洪基

昔思君

昔君與我兮形影潛結今君與我兮雲飛雨絕昔君與我兮音響相和今君與我兮落葉去柯昔君與我兮金石無虧今



君與我兮星滅光離。

征遼東

征遼東敵失據威靈邁日域公孫既授首群逆破膽咸震怖  
朝北響應海表景附武功赫德雲布

宣輔政

宣皇輔政聖烈深撥亂反正從天心網羅文武才慎厥所生  
所生賢遺教施安上治民化風移肇創帝基洪業垂於鏤明  
明時赫戲功濟萬世定二儀雲澤雨施海外風馳

玄雲

玄雲起丘山祥氣萬里會龍飛何婉鳳翔何劇昔在唐  
虞朝時見青雲際今親遊萬國流光溢天外鶴鳴在後園清  
音隨風邁成湯隆顯命伊摯來如飛周文獵渭濱遂載呂望

歸符合如影響先天天弗違輟耕綜時綱解褐衿天維元功  
配二王芬響世所稀我皇叙群才洪烈何巍巍柏柏征四表  
濟濟理萬機神化感無方髦才盈帝畿丕顯惟昧旦日新孔  
所咨茂哉聖明德日月同光輝

龜雖壽

神龜雖壽猶有竟時騰蛇乘霧終為土灰老驥伏櫪志在千  
里烈士暮年壯心不已盈縮之期不但在天養怡之福可得  
永年幸甚至哉歌以詠志

歷九秋篇十二首

歷九秋兮三春遺貴客兮遠賓顧多君心所親乃命妙妓才  
人炳若日月星辰

序金壘兮玉觴賓主遊起馮行杯若飛電絕光交觴接卮結



裳慷慨歡笑萬方

奏新詩兮夫君爛然虎變龍文渾如天地未分齊謳楚舞紛  
紛歌聲上激青雲

窮八音兮異倫竒聲靡之每新微披素齒丹脣逸響飛薄梁  
塵精爽入神

坐咸醉兮沾歡引尊促席臨軒進爵獻壽翻之千秋要君一  
言願愛不移若山

君恩愛兮不竭譬若朝日夕月此景萬里不絕長保初醮結  
髮何憂坐胡越

携弱手兮金環上游飛閣雲間穆若鴛鴦雙鸞還幸蘭房自  
安娛心樂意難原

樂既極兮多懷盛時忽逝若頽寒暑革御景迴春榮隨風飄  
摧感物動心增哀

妾受命兮孤孀男兒墮地梅姝女弱難存若無骨肉至親更  
踈奉事他人託軀

君如影兮隨形賤妾如水浮萍明月不能常盈誰能無根保  
榮良時冉之代征

顧綉領兮含暉皎日迴光則微朱華忽示漸衰影欲捨形高  
飛誰言往思可追

薺與麥兮夏零蘭桂踐霜逾馨祿命懸天難明妾心結意丹  
青何憂君心中傾

遊俠篇

張茂先

翻之四公子濁世稱賢明龍虎相交爭七國並抗衡食客三  
千餘門下多豪英遊說朝夕至辯士自縱橫孟嘗出東關濟



身由鷄鳴信陵西。反魏奉人不窺兵。趙勝南詛楚。乃與毛遂行。黃歇北適秦。太子還入荆。美哉遊俠士。何以尚四卿。我則異於是。好古師老彭。

壯士篇

天地相震蕩。回薄不知窮。人物真常格。有始必有終。年時俛仰過。功名宜速崇。壯士恆憤激。安能守虛冲。乘我大宛馬。撫我繁弱弓。長劍橫九野。直上冠拂玄穹。慷慨成素霓。嘯吒起清風。震響駭八荒。奮威曜四戎。濯鱗滄海畔。馳騁大漠中。獨以聖明世。四海稱英雄。

輕薄篇

末世多輕薄。驕或好浮華。志氣能放逸。貨財亦豐奢。被服極纖麗。肴饍盡示嘉。僮僕臥梁肉。婢妾蹈綾羅。文軒樹羽蓋。乘

馬鳴玉珂。橫立皆刻玳瑁。長鞭錯象牙。足下金鑄履。手中雙莫邪。賓從煥絡。侍御何芬葩。朝與金張期。暮宿許史家。甲第面長街。朱門北北差我蒼梧竹。葉清宜城九。醞醖浮醪隨觴轉。素蟻自跳波。吳女與齊趙。妍唱出西巴。一顧傾國城。千金不足多。北里獻之可舞。大陵奏名歌。新聲踰激楚。妙妓絕陽阿。玄鶴降浮雲。鱗之思躍中河。墨翟且停車。展季猶咨嗟。淳于前行酒。雍門坐相和。孟公結重闕。賓客不得蹉。三雅來何遲。耳熱眼中花。盤之交錯。坐席咸喧譁。簪珥或墮落。冠冕皆傾邪。酣飲終日夜。明燈繼朝霞。絕纓尚不尤。安能復顧他。留連彌信宿。此歡難可過。人生若浮寄。年時忽蹉跎。促之朝露期榮樂。遽幾何。念此腸中悲。涕下自滂沱。但畏執法吏。禮防且切蹉。



王明丑口

石季倫名崇渤海南皮人荆

我本漢家子。將適單于庭。辭訣未及終。前驅已抗旌。僕御涕  
流離。轅馬悲日鳴。哀鬱傷五內。泣淚沾朱纓。行行日已遠。遂  
造匈奴城。延我於穹廬。加我閼氏名。殊類非所安。雖貴非所  
榮。父子見陵辱。對之慙且驚。殺身良不易。默以苟生苟生  
亦何聊。積思常憤盈。願假飛鴻翼。棄之以遐征。飛鴻不我顧。  
佇立以屏營。共為匣中玉。今為糞上英。朝華不足嘉。甘與草  
莽并。傳語後世人。遠嫁難為情。

楚妃嘆

湯之大楚跨七萬里。北據方城南接交趾。西撫巴漢東被海  
澗。五侯九伯。具八疆。是理矯之。莊王淵停。楸時免。精充續  
楚耳。韜先戢。懼潛默。恭已內委樊姬。外任孫子。倚樊姬體  
道履信。既紕虞丘。九女是進。杜絕邪佞。廣啓令胤。割歡抑寵。  
居之不吝。不吝實難。可謂知幾。化自近始。著於閨闈。光佐霸  
業。邁德揚威。群后列辟。式瞻洪規。譬彼江海。百川咸歸。萬邦  
作歌。身沒名飛。

婕妤怨

陸士衡

婕妤去。辭寵淹留。終不見。寄情在玉階。託意唯團扇。春苔暗  
階除。秋草無高殿。黃昏履綦絕。愁來空雨面。

日重光

日重光。奈何天回薄。日重光。冉冉其遊如飛征。日重光。今我  
日華華之盛。日重光。倏忽過亦安。日重光。盛往衰亦必來。  
日重光。譬如四時固恒相催。日重光。惟命有分可營。日重光。  
但惆悵才志。日重光。身沒之後無遺名。



胡姬年十五

劉越石

名程中山人嗣空加大尉封廣武侯

虹梁照曉日。淥水泛香蓮。如何十五少。含笑酒壚前。花將面自許。人共影相憐。回頭堪百萬。價重為當年。

合歡詩

楊方

虎嘯谷風起。龍躍景雲浮。同聲好相應。同氣自相求。我情與子親。譬如影追軀。食共同根穗。飲共連理杯。衣共雙絲絹。寢共無縫綯。若願接膝坐。行願携手趨。子靜我不動。子遊我不留。齊彼同心鳥。譬彼比目魚。情至斷金石。膠漆未為牢。但願長無別。合形作一軀。生為併身物。死為同棺灰。秦氏有言至。我情不可儔。

宋

石城樂

占辭

生長石城下。開窓對城樓。城中諸少年。出入見依投。陽春百花生。摘插環髮前。攬指蹋忘愁。相與及盛年。布帆百餘幅。環環在江津。執手双淚落。何時見歡還。

戰城南篇

何承天

雁官

戰城南。衝黃塵。丹旌電燄鼓雷震。勅敵猛。戎馬殷。橫陣。白野若屯雲。仗大順。應三靈。義之所感。士忘生。長劔擊。敏益鳴。飛鏑炫。晃亂奔。皇虎騎躍。華旄旋。朱火延。起騰飛。烟驍雄。斬高旗。塞長角。浮叫響。清天夷。群寇殪。逆徒餘。黎靈惠。詠來蘇。奏愷樂。歸皇都。班爵獻。俘邦國。娛。

上邪篇

上邪下難正。衆枉不可矯。音和響必清。端影緣直表。大化揚仁風。齊人猶偃草。聖王既已沒。誰能弘至道。開春湛柔露。代



終肅嚴霜承平貴孔孟政弊侯申商孝公明賞罰六世猶克  
昌李斯肆濫刑秦民所以亡漢宣隆中興魏祖寧三方譬彼  
針與石効疾而稱良行葦非不厚悠々何詎夾琴瑟時未調  
改弦當更張矧乃治天下此要安可忘

遠期篇

遠期千里客肅駕候良辰近命城郭友具爾惟懿親高門啓  
雙闈長筵列嘉賓中唐儻六肖三廂羅樂人簫管激悲音羽  
毛揚華文金石響高宇絃歌動梁塵脩標多巧捷九劔亦入  
神遷善自雅調成化由清均主人垂隆慶群士樂亡身願我  
聖明君邇期保萬春

朱路篇

朱路揚和鸞翠蓋耀金華玄牡飾樊纓流旌拂飛霞雄駟關

曠塗班劔翼高車三軍且莫喧聽我奏鏡歌清鞞驚短簫朗  
鼓節鳴笳人心惟愷豫茲音亮且和輕風起紅塵淳濶發微  
波逸韻騰天路積響結城阿仁聲被八表威震振九遐嗟々  
介胄士勗哉念皇家

思非公篇

思悲公懷宏衣東國何悲公西歸公西歸流二叔幼主既悟  
偃禾復偃禾復聖志申營都新邑從斯民從斯民德惟明制  
禮作樂興頌聲興頌聲致嘉祥鳴鳳爰佳萬國康萬國康猶  
弗已握髮吐食下群士惟我君繼伊周親覩盛世復何求

上陵者篇

上陵者相追攀被服纖麗振綺紈携童幼升崇巒南望城闕  
鬱鬱解石王公第通衢端高甍華屋列朱軒臨清谷掇秋蘭士



女悠奕映隰原指營丘感牛山爽鳩既沒景君嘆嗟  
不還志氣衰沮玄髮斑野莽宿墳土乾顧此累之中心酸生  
必死亦何怨取樂今日展情權

雉子遊原澤篇

雉子遊原澤幼懷耿介心飲歌雖勤苦不願棲園林古有遊  
世士抗志主日霄岑浩然寄下肆揮棹通川陰道遙風塵外散  
髮撫鳴琴卿相非所眄何況於千金功名豈不美龍虎亦相  
尋冰炭結上府憂虞纏胸襟當世須大度量已不克任三復  
泉流誠自故馬良已深

梅落

鮑明遠

中庭雜樹多偏為梅咨嗟問君何獨然念其霜中能作花  
不能作實

霜質

空城雀

雀乳四穀空城之阿朝拾野粟夕飲水阿高飛畏鳴鳶下飛  
畏網羅辛傷伊何言怵迫良已多誠不及青鳥遠食玉山禾  
猶勝吳宮燕無罪得焚窠賦命有厚薄長嘆欲如何

行路難

奉君金卮之美酒玳瑁玉匣之彫琴七綵芙蓉之羽帳九華  
蒲萄之錦衾紅顏零落歲將暮寒光宛轉昔欲沈願君裁悲  
且減思聽我抵節行路吟不見柏梁銅雀上寧聞古昔清吹  
音瀉水置平地各自東西南北流人生亦有命安能行嘆復  
坐愁酌酒以自寬舉杯斷絕歌路難心非木石豈無感吞聲  
躑躅不敢言劉棻染黃絲黃絲歷亂不可治我昔與君始相



值爾時自謂可君意。結帶與我言。死生好惡不相置。今日見我顏色衰。意中索寞與先異。還君金釵瑋瑁簪。不忍見之益愁思。諸君莫歎貧富貴。不由人。丈夫四十彊而仕。余當二十弱冠辰。莫言草木委大雪。會應蘇息遇陽春。對酒叙長篇。窮途運命委皇天。但願樽中九醞滿。莫惜床頭百箇錢。直須優游卒一歲。何勞辛苦事百年。

杞梁妻 吳邁遠

燈竭從初明。蘭凋猶早薰。扼腕非一代。千載炳遺文。貞夫淪莒役。杜弔結齊君。驚心眩白日。長洲崩秋雲。精微貫穹昊。高城為隕墳。行人既迷徑。飛鳥亦失群。壯哉金石軀。出門形影分。一隨塵壤消。聲譽誰共論。

江南思

湯惠休 沙門。孝武命還俗。官至揚州從事。

絕各海峽路。留戍淮陽津。垂情向春草。知是故鄉人。

遊子移

劉義恭

江夏王都督荆湘州等軍事

三河遊蕩子。麗顏滿荆寶。携持玉柱箏。懷挾忘憂草。綢繆甘泉中。馳逐邯鄲道。春服候時製。秋紈迎涼造。玳瑁暉素腕。玉迹滿襟抱。常歎樂日晏。恒悲歡不早。揮吹傳舊美。趨謠盡新好。仲尼為輟食。秦王乏傾倒。

冉冉孤生竹

何偃

尚書令尚之子。仕司馬長史。

流萍依清源。孤鳥親宿止。蔭幹相經榮。風波能終始。草生有日月。婚年行及紀。思欲侍衣裳。關山分萬里。徒作春夏期。空望良人軌。芳色宿昔事。誰見過時美。涼鳥臨秋竟。歡願亦云已。豈意倚君恩。坐守零落耳。

齊



有所思

謝玄暉

名暉陳郡人尚書吏部郎

佳期未歸望下鳴機徘徊東陌上月出行入稀

邯鄲才人嫁為廝養卒婦

生平宮閣裏出入侍丹墀開筍方羅縠窺鏡比蛾眉初別意未解去夕日生悲顛顛不自識嬌羞餘故姿夢中忽髮髻猶言承謙私

王階怨

夕殿下珠簾流螢飛復息長夜縫羅衣思君此何極

臨高臺篇

千里常思歸登臺臨綺翼纔見孤鳥還未辨連山極四面動春風朝夜起寒色誰知倦遊者嗟此故鄉憶

銅雀妓

總惟飄井幹樽酒若平止鬱鬱西陵樹詎聞歌吹聲芳襟染淚迹嬋娟空復情玉座猶寂寞况乃妾身輕

寒夜怨

陶道明

名弘景侍讀後辭祿止句容句曲山號華陽真人

夜雲生夜鴻驚悽切嘹唳傷夜情空山霜滿高烟平鉛華沈照帳孤明寒日微寒風緊愁心絕愁淚盡情人不勝怨思來誰能忍

芳樹

王融

相望早春日烟華雜如霧復此佳麗人含情結芳樹綺羅已自憐萱風多有趣去來徘徊者佳人不可遇

永明樂

玄符昭景麻茂實偶英聲長為南山固永與朝日明靈立比翼栖芳林合條起兩代分憲章一朝會書軌



空林去喧俗。鹿野出埃霞。香風流梵瑄。澤雨散雲花。  
幸哉明盛世。壯矣帝王居。高門夜不柝。飲饗猶舒。

巫山高

想像巫山高。渾暮陽臺曲。烟雲乍舒卷。猿鳥時斷續。彼美如  
可期。寤言紛在矚。憮然坐相望。秋風下庭綠。

自君之出矣

唐李益

自君之出矣。楊柳正依依。君出無消息。唯見黃鶴飛。關山多  
險阻。士馬少光輝。流年無止極。君去何時歸。

巫山高

南國多奇山。荆巫獨靈異。雲雨麗以佳。陽臺千里思。勿言可  
再得。特美君王意。高唐一斷絕。光陰不可遲。

憂且吟

張思光

鳴琴當春夜。春夜當鳴琴。羈人不及樂。何似千里心。

估客樂

釋寶月

郎作十里行。儂作九里送。技儂頭上釵。與郎營路用。  
有信數寄書。無信心相憶。莫作瓶落井。一去無消息。

大編珂我頭。何處發揚州。借問編上郎。見儂所歡否。  
初發揚舟時。船出平津泊。五兩如竹林。何處相尋博。

梁

襄陽蹋銅蹄

武帝

姓蕭

陌頭征人去。閨中女下機。含情不能言。送別沾羅衣。  
草樹非一香。花葉百種色。寄語故情人。知我心相憶。  
龍門紫金鞍。翠珥白玉羈。照耀雙闕下。知是襄陽兒。

閨闔篇



西漢本佳妍。金馬望甘泉。衛尉屯兵士。期門曉漏傳。插重河東賦。欲以追神仙。羽騎凌雲轉。閶闔帶空懸。長旗掃日窟。鳳迹轅星躔。但使丹砂就。能令億萬年。

芳樹

綠樹始搖芳。芳生非一葉。一葉度春風。芳之自相接。色雜亂參差。衆花紛重疊。重疊不可思。思此誰能愜。

臨高臺 名綱武帝第三子

高臺平行雲。望之高一極。草樹無參差。山河同一色。髮第洛陽道。道遠難別識。玉階故情人。情來共相憶。

樹中草

幸有青袍色。聊因翠幄凋。雖間珊瑚帶。非是合歡條。

愛妾換馬

功名幸多種。何事若生離。誰言似白玉。定是媿青驪。必取匣中劍。迴作飾金羈。其成恨不已。願得路傍兒。

烏夜啼

綠草庭中望明月。碧玉堂裏對金鋪。鳴弦撥袂發初異。挑琴欲吹衆曲殊不疑。三足朝含影。直言九子夜相呼。羞言獨眠枕下流。託道單棲城上烏。

妾薄命

名都多麗質。本自恃容姿。蕩子行未至。秋胡無定期。玉貌歌紅臉。長頻串翠眉。奩鏡迷朝色。縫鍼脆故絲。本異搖舟咎。何關竊席疑。生離誰拊背。溘死詎來遲。王嬙貌本絕。踉蹌入氈帷。盧姬嫁日晚。非復少年時。轉山猶可遂。烏白望難期。妾心徒自苦。傍人會見嗤。



東下何慕慕

垂花臨碧澗。結翠依丹巖。非直入游宮。兼期植靈苑。落日芳  
春莫。遊人歌吹晚。弱刺引羅衣。朱實凌還幘。且歡洛浦詞。無  
羨安期遠。

獨處愁

獨處恒多愁。開幕試臨風。彈碁鏡奩上。傳粉高樓中。自君征  
馬去。音信不曾通。只恐金屏掩。明年已復空。

芳樹

元帝名 第七子 武帝

芬芳君子樹。交柯御宿園。桂影含秋月。桃花落春園。落英逐  
風聚。輕香帶蕊翻。叢枝臨北閣。灌木隱南軒。交讓良宜重。成  
蹊何用言。

隴頭水

後孟別隴頭關路漫悠之故鄉迷遠近征人分去留沙飛曉  
成幕海氣日如樓。欲識秦川處。隴水向東流。

折楊柳

山高巫峽長。垂柳復垂楊。同心且同折。故人懷故鄉。山似蓮  
花艷。流如明月光。寒夜猿聲徹。遊子淚霑裳。

關山月

朝望清波道。夜上白登臺。月中含桂樹。流影自徘徊。寒沙逐  
風起。春花犯雪開。夜長無與晤。衣單誰為裁。

洛陽道

洛陽開大道。城北達城西。青槐隨幔拂。綠柳逐風低。玉珂鳴  
戰馬。金瓜闢場鷄。桑姜日行暮。多逢秦氏妻。

劉生



遊俠有劉生。然諾重西京。扶風好驚坐。長安恒借名。榴花聊  
夜飲。竹葉解朝醒。結交李都尉。遨遊佳麗城。

長相思 昭明太子 名統武 帝長子

相思無終極。長夜起嘆息。徒見貌嬋娟。不知心有憶。寸心無  
以因。願附歸鴻翼。

將進酒篇

洛陽輕薄子。長安遊俠兒。宜城溢渠椀。平山浮羽卮。

有所思

公子遠于隔。乃在天一方。望之江山阻。悠之道路長。別前秋  
葉落。別後春花芳。雷歎一聲響。南淚忽成行。悵望情無極。傾  
心還自傷。

芳樹 費昶

幸被夕風吹。屢得朝光照。枝偃疑欲舞。花開似含笑。長夜踏  
悠。所思不可招。行人早旋返。賤妾猶年少。

有所思

上林鳥欲飛。長門日行暮。所思鬱對不見。空想丹墀步。簾動意  
君來。雷聲似車度。北方佳麗子。窈窕能回顧。夫君自迷惑。非  
為妾心妬。

朱鷺

王僧儒

因風弄玉水。映日上金堤。猶持畏羅繖。未得異鳥擊。聞君  
愛白雉。兼因重碧鷄。未能聲似鳳。聊變色如珪。願識昆明路。  
乘流飲復棲。

釣竿

戴嵩

試持玄渚釣。暫罷池陽獵。翠羽飾長綸。藻花裝小緹。鉅利斷



文獻類選卷九  
三十三  
尊絲汎舉牽菱葉聊載前魚童過看後舟妾。

遠期

張率

遠期終不歸。節物坐將變。白露愴單衫。秋風息團扇。誰能久  
離別他鄉。且異縣。浮雲蔽重山。相望何時見。寄言遠期者。空  
閨淚如霰。

玄雲

壞陣壓峨壘。遽牕暗思靡。映日斜生海。跨樹似鵬飛。夢山妾  
已去。落靨何由歸。

長相思二首

長相思。久離別。美人之遠如兩絕。獨延佇。心中結。望雲人去  
遠。望鳥飛。滅空望。終若斯。珠淚不能雪。

長相思。久別離。所思何在苦天垂。鬱陶相望不得知。玉階月  
夕映羅帷。風夜吹長思。不能寢。坐望天河移。

滄海雀

大雀與黃口。來自滄海區。清晨啄原粒。日夕依野株。雖憂鷲  
鳥擊。長懷沸鼎虞。况復隨時起。翻飛不可初。寄言挾彈子。莫  
賤隨侯珠。

遠期 庾成師

憶別春花飛。已見秋葉稀。淚粉羞明鏡。愁帶減寬衣。得書言  
未及。夢見道應歸。坐使紅顏歇。獨掩青樓扉。

輕薄篇

何仲言 名遜揚州法曹

城東美少年。重身輕萬億。拓彈隨珠丸。白馬黃金飾。長安九  
達上。青槐蔭道植。轂擊晨已喧。肩排暝不息。走狗東西望。牽  
牛向南直。相期百戲傍。去來三市側。象床香綉被。玉盤傳綺



食大姊掩扇歌。小妹開簾織。相看獨隱笑。見人還斂色。黃鶴  
悲故群。山枝詠新識。鳥飛過客盡。雀聚行龍匿。酌羽方耿耿。  
此時歡未極。

崔乳空井中

劉孝威

孝緯第六弟彭城人

遠去條支國。心知漢德優。聊棲丞相府。過令黃霸羞。挾子須  
開地。空井共尋求。轆轤絲綆絕。桔槔冬辭周。將憐羽翼長。唯  
辭各背遊。

鷄鳴篇

時雞識相曙。長鳴高樹巔。啄葉疑彰羽。排花彊欲前。意氣多  
驚舉。飄颺獨無侶。陳思助聞協。狸膏却昭妬。敵安金距。丹山  
可愛有鳳凰。金門飛舞有鴛鴦。何如五德美。豈勝千里祥。

鳥生八九子

城上鳥。一年生九雛。枝輕巢本狹。風多葉早枯。亂毛不自煖。  
張翼疆相呼。金析嚴兮翠樓蕭。蜃壁光兮椒泥馥。虞機衡網  
不得猜。鷹鷂雀鷓無由逐。永願共栖曾氏冠。同瑞周王屋。莫  
啼城上寒。猶賢野間宿。羽成翮備各。西東丁年賦。命有窮通  
不見高飛帝。輦側遠託日輪中。尚逢王吉箭。猶嬰夏羿弓。豈  
如變彩救燕質。入夢祚昭公。留聲表師退。集幕示營空。靈臺  
已鑄像。流蘇時候風。

芳樹

沈休文

發夢九華隈。開附寒路側。氤氳非一香。父差多異色。宿昔寒  
飈舉。摧殘不可識。霜雪交橫至。對之長歎息。

臨高臺

高臺不可望。望遠使人愁。連山無斷續。河水復悠悠。所思優



何在洛陽南陌頭可望不可至何用解人憂

有所思

西征登隴首東望不見家關樹抽紫葉寒草發青芽昆明當欲滿蒲萄應作花垂淚對漢使因書寄狹斜

樂未央

億舜日萬堯年詠湛露歌採蓮顏雜百和氣宛轉金罍前

釣竿

桂舟既容與綠浦復回紆輕絲動弱芰微楫起單鳥扣舷忘日莫卒歲以為娛

採荷調 江從簡

欲持荷作柱荷弱不勝梁欲持荷作鏡荷暗本無光

驄馬 車敝

驄馬鏤金鞍拓彈落金丸意欲驂驪走先作野遊盤平明發下蔡日中過上蘭路遠行須疾非是畏人看

入關

吳均

羽檄起邊庭烽火亂如螢是時張博望夜赴交河城馬頭要落日劔尾掣流星君恩未得報何論身命傾

城上烏

嗚嗚城上烏翩翩尾畢逋凡生八九子夜夜啼相呼質微知慮少體賤毛衣麤陛下三萬歲臣至執金吾

大垂手

垂手忽迢迢飛燕掌中嬌羅衫恣風引輕帶任情搖詎似長沙地促舞不回腰

小垂手



舞女出西秦。躡影舞陽春。且復小垂手。廣袖拂紅塵。折腰應  
兩袖。頓足轉雙巾。蛾眉與慢臉。見此空愁人。

雉子班

可憐雉子班。群飛集野甸。文章始陸離。意氣已驚狷。幽并遊  
俠子。直心亦如箭。死節報君恩。誰能孤息眄。

對酒

范彥龍名雲武興人散騎侍郎

對酒心自足。故人來共持。方悅羅衿解。誰念髮成絲。徇性良  
為達。求名本自欺。迨君當歌日。及我傾樽時。

長門怨

柳文暢名憚中

玉壺夜悄悄。應門重且深。秋風動桂樹。流月搖輕陰。綺簷清  
露溼。網戶思虫吟。歎息下蘭閣。含愁奏雅琴。何由鳴曉佩。復  
得抱宵衾。無復金屋念。豈照長門心。

起夜來

式斷兵騎。閣道覆青埃。露華光翠網。月影入蘭臺。洞房且  
莫掩。應門或復開。颯颯秋桂響。悲君起夜來。

獨不見

別島望雲臺。天淵臨水殿。芳草生未積。春花落如霰。出從張  
公子。還過趙飛燕。奉帚長信宮。誰知獨不見。

折楊柳

楊柳亂成絲。春折上春時。葉密鳥飛礙。風輕花落遲。城高短  
簫發。林空書。曲中別無意。併是為相思。

芳樹

丘希範名暹吳興人書郎

芳葉已漠漠。嘉實復離離。發景傍雲屋。凝暉覆華池。輕蜂掇  
浮穎。弱鳥隱深枝。一朝容色茂。千春長不移。



無媚眼

庾子山

朝來戶前照鏡含笑盈盈自看眉心濃黛直點額角輕黃細  
安抵凝落花謾去復道春風不還少年惟有懽樂飲酒那得  
留殘

于闐採花

山川雖異所草木尚同春亦如溱洧地自有採花人

陳

艾如張

蘇子卿

誰在閉門外羅家諸少年張機蓬艾側結網槿籬邊若能非  
自免豈為繒所纏黃雀儻為誠朱絲猶可延

朱鷺

朱鷺容與入玉畿欲向天池飲還遠上村飛金堤

羽翮丹水浴毛衣非貪葭下今懷思自遠歸

巫山高 蕭詮

巫山映巫峽高，殊未窮。猿聲不辨處，雨色詎分空。懸崖下  
桂月深澗響，松風別有仙雲起。時向楚王宮。

折楊柳

岑敬之

將軍始見知，細柳繞營垂。懸絲拂城轉，飛絮上宮吹。塞門交  
度葉，谷口暗橫枝。曲成攀折處，唯言顛別離。

芳樹

李爽

芳樹千株發，搖蕩三陽時。氣軟風來易，枝繁鳥度遲。春至花  
如錦，夏近葉成帷。欲寄邊城客，路遠誰能持。

有所思

陸系

別念恨城闈，還思樓上人。淚想離前落，愁聞別後新。月來疑



舞扇花度憶歌塵。只看今夜裏。那似隔河津。

折楊柳

徐孝穆

名陵。陳人。擢之子。吏部尚書。

嬾了河堤樹。依工魏主營。江陵有舊曲。洛下作新聲。妾對長楊苑。君登高柳城。春還應共見。蕩子太無情。

長相思二首

長相思望歸難。傳聞奉詔成。皋蘭龍城遠。鴈門寒。愁來瘦轉劇。衣帶自然寬。念君今不見。誰為抱腰看。

長相思好奉節。夢裏恒啼悲。不洩帳中起。恣前髮。柳絮飛還聚。遊絲斷復結。欲見洛陽花。如君隴頭雪。

芳樹

顧希馮

名野。王吳郡人。黃門侍郎。

上林通建章。雜樹遍林芳。日影桃蹊色。風吹梅逢香。幽山桂葉落。馳道柳條長。折筵疑路遠。用表莫相望。

凌雲臺

謝舉

倚筵懸注。意憊傍喬柯。執高凌玉井。臨迴度金波。易覺涼風至。早飛秋雁過。高臺相思曲。王遠騷人歌。幸屬此。迢遞知。本雲霧務多。

從軍五更轉

伏知道

一更刀斗鳴。校尉連連城。遙聞射鵰騎。懸憚將軍名。  
二更愁未央。高城寒夜長。試將弓學月。聊持劍比霜。  
三更夜警心。橫吹獨吟春。強聽梅花落。悞憶柳園人。  
四更星漢低。落月與雲齊。依稀北風裏。胡笳雜馬嘶。  
五更催送籌。曉色映山頭。城烏初起堞。更人悄下樓。

長相思

蕭導

長相思。父離別。新鷺參差條。可結壺關遠。鴈書絕對雲。恒憶



陣看花復愁雪。猶有望歸心。疏黃未剪截。

還臺樂

陸澄

蒲萄四時芳醇。瑠璃千鍾舊。夜飲舞遲銷燭。朝醒絃促催。春風秋月恒好。驩醉日月言新。

折楊柳 江摠持

名 絳清之孫 陳為尚書

萬里音塵絕。千條楊柳結。不悟倡園花。遙同嶺雪春。心自浩蕩。春樹聊攀折。共此依情。無柰年別。

長相思二首

長相思。久離別。征夫去遠芳音滅。湘水深。隴頭咽。紅羅斗帳

裏。綠綺清弦絕。逶迤百尺樓。愁思三秋結。

長相思。久離別。春風送鷺入。簷窺暗開脂粉。弄花枝。紅樓

愁色。玉筋兩行垂。心不相照。望之何由知。

君馬黃二首

張正見

幽并重騎射。征馬正盤桓。風去長嘶遠。冰堅度足寒。出關聊變色。上坂屢停鞍。即今隨御史。非復在樓蘭。

五色乘馬黃。追風時滅沒。血汗染龍花。胡鞍抱秋月。唯騰渥泔水。不飲長城窟。詎待燕昭王。千金市駿骨。

有所思

深閨久離別。積怨轉生愁。徒思裂帛鴈。空上望歸樓。看花憶塞草。對月想邊秋。相思日一度。淚臉年一流。

釣竿篇

結宇長江側。垂釣廣川濶。竹竿橫翡翠。桂髓擲黃金。人來水鳥沒。楫渡岸花沈。蓮搖見魚近。綸盡覺潭深。渭水終須上。滄浪徒自吟。空嗟芳餌下。獨見有貪心。



雉子班

陳倉雉未飛。斂翮依芳甸。朱冠色尚淺。錦臆毛初變。雉麥且  
專場。排花聊勇戰。唯當渡弱水。不怯如臯箭。

輕薄篇

洛陽美年少。朝日正開霞。細蹠連錢馬。傍趨首着花。揚鞭還  
却望。春色滿東家。并桃映水落。門柳雜風斜。綿蠻弄青綺。蛺  
蝶遶承華。欲往飛廉館。遥駐季倫車。石榴傳馬瑤。蘭着真象  
牙。聊持自娛樂。未是鬪豪奢。莫嫌龍馭晚。扶桑復浴鴟。

朱鷺

後主

參差蒲未齊。沉沉冰未解。浮綠朱鷺戲。蘋藻徘徊流。澗曲澗曲多  
巖樹。逶迤復斷續。振之雖以明。湯之今又曠。

巫山高山

巫山巫峽深。峭壁聳春林。風巖朝蕊落。霧嶺晚猿吟。雲來足  
蘂枕。雨過非感琴。仙姬將夜月。度影自浮沉。

長相思二首

長相思。父相憶。關山征戍何時極。望風雲。絕音息。上林書不  
歸。迴紋徒自織。羞將別後面。遠似初相識。

長相思。怨成悲。蝶繁草樹。絲庭花飄散。飛入帷。帷中看隻  
影。對鏡斂雙眉。兩見同見日。兩別共春時。

舞媚娘三首

樓上多嬌豔。當牕併三五。弄游春陌。相邀開綉戶。轉態結  
紅裙。含嬌拾翠羽。留宿乍抽絃。託意時移柱。

淇水變新亭。春爐當宴開。一面含羞出。金鞍排夜來。  
春日多風光。尋觀向市傍。轉身遺佩響。牽袖起衣香。



後魏

空城雀 高孝緯

百雉何寥廓。四面風雲上。統素久為塵。池臺尚可仰。嗷嗷雀

噪城鬱鬱。無歡賞。日暮紫心曲。橫琴聊自獎。

白鼻騮 温鵬舉 七子

少年多好事。攬轡向西都。相逢狹斜路。駐馬詣當爐。

燉煌樂

客從遠方來。相隨歌且笑。自有燉煌樂。不減安陵調。

後周

高句麗 王偉元 名儀 哀司馬之子

蕭蕭易水生波。燕趙佳人自多。傾盃覆盃。灌灌垂手奮袖。娑

娑。不惜黃金散盡。只畏白日蹉跎。

入塞

戍久風塵色。勳多意氣豪。建章樓閣迥。長安陵樹高度。冰傷

馬骨。經寒墜節旌。行當見二八子。無假用錢刀。

遊俠篇

京洛出名謳。豪俠競交遊。南朝四姓。關西謂五侯。鬪鷄橫

大道。走馬出長楸。桑陰徒何夕。槐路轉淹留。

陵雲臺

高臺懸百尺。中文殊未窮。臨酸棗寺。西眺明光宮。城旁抵

雙府林。秉對相風書。題鹿霜血榜。觀寫飛廉銅。牕開神女雷。梁

映美人虹。虞捐濫天寵。鄭致日特懷。忠莊生垂翠。釣昭儀。抵鬪

熊。馳輪有盈缺。人道亦汗隆。還念西陵舞。非復鄴城中。

隋



上之回 陳子良

承平重遊樂詔躡上之回。屬車響流水。清笳轉落梅。嶺雲蓋  
道轉。若花映綬開。下輦便其宴。何如在瑤臺。

有所思

盧思道

各思道。魏陽人。魏騎侍郎。

長門與長信。憂思並難任。洞房明月下。空庭綠草深。怨歌裁  
潔素。能賦受黃金。復聞隔湘水。猶言限桂林。悽々日已暮。誰  
見此時心。

釣竿篇 李巨仁

潺湲回江海。滉漾隔波瀾。不惜黃金餌。唯憐翡翠竿。斜綸控  
急水。定檝下飛湍。潭迴風來易。川長霧歇難。寄言朝市客。滄  
浪徒自安。

浮游花

辛孝基

名德源。魏扶道人。魏騎侍郎。

窓中斜日照。池上落花浮。若畏春風浹。當思秉燭游。

燉煌樂二首

王胄 名胄。琅邪臨沂人。魏散大夫。

長途望無已。高山斷還續。意欲此念時。氣絕不成曲。  
極目眺脩途。平原忽超遠。心期在何處。望望嗚嗚晚。

棗下何纂纂二首

柳黃知節變。草綠識春歸。復道含雲影。重簷照日輝。  
御柳長條翠。宮槐細葉開。還得聞春曲。便逐鳥聲來。

紀遼東

遼東沮水事。龍行俯拾信。神兵欲知振。旅旋歸樂。為聽凱歌  
聲。十乘元戎。終渡遼扶滅。已冰消。詎似百萬臨江水。按轡空  
迴鑣。天威電邁。舉朝鮮。信次即言旋。還笑魏家司馬。怒。忍。用  
一年。鳴鑾詔蹕。發清漳。合爵及疇庸。何必豐沛多相識。比屋



降堯封

昔昔鹽

薛玄卿

名道 衡河東 人內史侍郎

垂柳覆金堤。靡蕪葉復齊。水溢芙蓉沼。花飛桃李蹊。采桑秦氏女。織錦賈家妻。關山別蕩子。風月守空閨。恒歛千金笑。長垂雙玉啼。盤龍隨鏡隱。彩鳳逐帷低。飛魂同夜鶴。倦寢憶晨鷄。暗牖懸珠網。空河落燕泥。前年過代北。今歲往遼西。一去無消息。那能惜馬蹄。

文翰類選大成樂川恭錄

唐

目錄

魏玄成一首

王子安

二首 盧杲之一首

沈雲卿一首

陳伯玉二首

張道濟

二首 蘇廷碩一首

王摩詰二首

高適夫一首

崔顥

二首 王少伯二首

雍裕之一首

李太白一首

韋應物

六首 孟東野六首

王仲初五首

今孤殼士一首

賀蘭進明

二首 李端

三首 戴幼公一首

李君虞一首

歐陽行周

二首 柳子厚二首

張文昌三首

楊景山一首

元微之

四首 白樂天十首

劉夢得九首

張承吉三首

鮑德源

一首 李文山一首

溫飛卿一首

劉司南一首

李長吉

四首 聶坦之二首

徐彥伯一首

吳子華一首

杜彥之

二首 崔禮山二首

譚用之一首



顧逋翁 三首 翁綬 三首 薛奇董 一首 趙承吉 二十首

閻朝隱 一首 施肩吾 四首 褚希明 一首 權載之 一首

張繪之 三首 沈彬 二首 滕潛 二首 鄭渥 一首

于子漪 一首 羅昭諫 一首 張懿孫 一首 萬楚 一首

郎大家宋氏 一首 釋德隱 七首 釋齊已 一首

釋子蘭 一首 無名氏 一首 釋皎然 一首 程氏長文 一首

劉氏媛 二首

文翰類選大成卷第十一

左長史上海李伯璵編輯

伴 讀慈谿馮厚校正

樂府

唐

出關

魏玄成

中原還逐鹿投筆事戎軒縱橫計不就慷慨志猶存策杖謁  
天子驅馬出關門請纓羈南越憑軾下東藩鬱紆陟高岫出  
沒望中原古木吟寒鳥空山啼夜猿既傷千里目還驚九折  
魂豈不憚艱險深懷國士恩希無二諾侯嬴重一言人生  
感意氣功名誰復論

江南弄

王子安



江南弄巫山連楚夢行雨行雲幾相送瑤軒金谷上春時玉  
童仙女無見期紫露香烟眇難託清風明月遙相思遙相思  
草徒綠為聽雙飛鳳凰曲

採蓮歸

採蓮歸綠水芙蓉衣秋風起浪兒鴈飛桂棹蘭橈下長浦羅  
裙玉腕搖輕櫓葉嶼花潭極望平江謳越吹相思苦相思苦  
佳期不可駐塞外征夫猶未還江南採蓮今已暮今已暮摘  
蓮花今渠那必盡倡家官道城南把桑葉何如江上採蓮花  
蓮花復蓮花花葉何重疊葉裏本羞眉花紅疆如頰佳人  
不茲期悵望別離時牽花憐共帶折藕愛連絲故情何處所  
新物徒華滋不惜南津交佩解還羞北海鴈書遲採蓮歌有節  
採蓮夜未歇正逢浩蕩江上風又值徘徊江上月蓮浦夜相

逢吳姬越女何丰茸共問寒江千里外征客關山更幾重

君馬黃

盧象之

駟馬照金鞍轉戰入臯蘭塞門風稍急長城水正寒雪暗鳴  
珂重山長噴玉難不辭橫絕漠流血幾時乾

有所思

沈雲卿

君子事行役再空芳歲期美人曠延佇萬里浮雲思園槿綻  
紅豔郊桑柔綠滋坐看長夏晚秋月生羅帷

鴛鴦篇

陳伯玉

飛、鴛鴦鳥舉翼相蔽虧俱來綠潭裏共向白雲涯音容相  
眷戀羽翮兩逶迤蘋萍戲春渚霜霰澆寒池浦沙連岸淨汀  
樹拂潭垂年々此遊翫歲々來追隨鳳皇起丹穴獨向梧桐  
枝鴻鴈來紫塞空憶稻梁肥烏啼倦依託鶴鳴傷別離豈若



此双禽。翻飛不異林。刷毛清江浦。交頸紫山岑。文章負奇色。和鳴皆好音。聞有鴛鴦綺。復有鴛鴦衾。持為美人贈。勗此故交心。

脩竹篇

龍鍾生南嶽。孤翠鬱亭。峰嶺上崇峯。煙雨下微冥。夜聞鼯鼠叫。晝聒泉壑聲。春風正淡蕩。白露已清泠。哀響激金奏。密色滋玉英。歲寒霜雪苦。含彩獨青青。豈不厭凝冽。羞比春木榮。春木有盈歇。此節無凋零。始願比金石。終古保堅貞。不意伶倫子。吹之學鳳鳴。遂偶雲和瑟。張樂奏天庭。妙曲方千變。蕭韶已九成。信蒙彫斷美。常願事僊靈。驅馳翠虬駕。伊鬱紫鸞笙。結交盈臺女。吟弄昇天行。攜手登白日。遠遊戲赤城。低昂玄鶴舞。斷續彩雲生。永隨衆僊去。三山遊玉京。

破陣樂二首

張道濟

漢兵出。頓金微。照日明。光鐵衣。百里火幡焰。焰千行。雲騎駢駢。蹙踏遼河自竭。鼓噪燕山可飛。正屬四方朝賀。端知萬舞皇威。

少年膽氣凌雲。共許驍勇出群。匹馬城南挑戰。單刀薊北。後軍一鼓鮮卑送款。五領單于。誓欲成名報國。羞將開口論勳。

長相思

蘇廷碩

君不見。天津橋下東流水。東望龍門北朝市。楊柳青青。死地垂桃紅。李白花參差。花參差。柳堪結。此時憶君心斷絕。

秋思二首

王摩詰

網軒涼吹動輕衣。夜聽更長玉漏稀。月渡天河光轉滋。鶻鷲



秋樹葉頻飛。

宮連太液見蒼波。暑氣微清秋意多。一夜輕風頭未起。露珠翻盡滿池荷。

行路難

高達夫

名適。滄州人。仕至彭州刺史。

君不見富家翁。舊時貧賤誰比數。一朝金多結豪貴。百事勝人健如虎。子孫成行滿眼前。妻能管絃妾能舞。自矜一身忽如此。却笑傍人獨愁苦。東隣少年安所如。席門窮巷出無車。有才不肯學干謁。何用年年空讀書。

盧姬篇

崔顥

汴州人。尚書郎中。

盧姬小小魏王家。綠鬋紅脣桃李花。魏王綺樓十二重。水精簾箔繡芙蓉。白玉欄干金作柱。樓上朝朝學歌舞。前堂後堂羅袖入。南牕北窓花發春。翠幌珠簾關弦管。一奏一彈雲欲

斷。君王日晚下朝歸。鳴環珮玉生光輝。人生今日得驕貴。誰道盧姬身細微。

行路難

君不見建章宮中金明枝。萬々長條拂地垂。二月三月花如霰。九重深幽君不見。艷彩朝含四寶宮。香風吹入朝雲殿。漢家宮女春未闌。愛此芳香朝暮看。來看去。看心不忘攀折將。安鏡臺上雙々素手剪。剪不成。兩兩紅妝咲相向。建章昨夜起春風。一花飛落長信宮。長信麗人見花泣。憶此玳樹何嗟及。我昔初在昭陽時。朝攀暮折登玉墀。只言歲々長相對。不悟今朝遙相思。

採蓮

王少伯

名曰齡。汝寧人。秘書郎。

越女作桂舟。還將桂為楫。湖上水渺漫。清江初可涉。摘取夫



容花莫摘夫容葉將歸問夫婿顏色何如妾

初日

初日淨金閨先照床前暖斜光入羅幕稍親絲管雲髮不能梳楊花更吹滿

五雜俎 雍裕之

五雜俎刺繡窠往復還織錦梭不得已成交河

少年子

李太白

青春少年子挾彈章臺左鞍馬四邊開笑如流星過金丸落飛鳥夜入瓊樓卧夷齊是何人獨守西山餓

荊州樂

白帝城邊足風波瞿塘五月誰敢過荊州麥熟蠶成蛾絲

憶君頭緒多發似飛鳴

空樓謠

攀天莫登龍走山莫騎虎貴賤結交心不移唯有嚴陵與高

周公稱大聖管蔡寧相容漢諺一斗粟不與淮南春兄弟共路

人吾心安所從他人方寸間山海無干重輕言託明又對面

九疑峯多花必早落桃李不如松官鮑久已死何人繼其蹤

胡無人

嚴風吹霜海草凋筋幹精堅胡馬驕漢家戰士三十萬將軍

兼領霍嫖姚流星白羽腰間插芡花秋蓮光出匣天兵照雪

下玉關虜箭如沙射金甲雲龍風虎盡交迴太白入月敵可

摧敵可摧旄頭滅履胡之腸涉胡血懸胡青天上埋胡紫

傍胡無人漢詩昌

上之回



三十六離宮樓臺與天通閣道步行月美人愁煙空恩跡寵  
不及桃李傷春風淫樂意何極金輿向回中萬乘出黃道千  
旗揚彩虹前軍細柳北後涉甘泉東豈問渭川老寧邀襄野  
童秋暮瑤池宴歸來樂未窮

沐浴子

沐芳其彈冠浴蘭莫振衣處世忌太潔志人貴藏輝滄浪有  
釣叟君與爾同歸

妾薄命

漢帝重阿嬌貯之黃金屋咳唾墜落九天隨風生珠玉寵極愛  
還歇如深情却疎長門一步地不肯暫迴車雨落不上天水  
覆最難收君情與妾意各自東西流昔日芙蓉花今成斷根  
草以色事他人能得幾時好

將進酒

君不見黃河之水天上來奔流到海不復迴又不見高堂明  
鏡悲白髮朝如青絲暮成雪人生得意須盡歡莫使金樽空  
對月天生我材必有用千金散盡還復來烹羊宰牛且為樂  
會須一飲三百盃岑夫子丹丘生與君歌一曲請君為我聽  
鍾鼎玉帛不足貴但願長醉不願醒古來賢達皆寂寞惟有  
飲者留其名陳王昔時宴平樂斗酒十千恣歡譁主人何為  
言少錢且須沽酒對君酌五花馬千金裘呼兒將出換美酒  
與爾同銷萬古愁

行路難 三首

金樽清酒斗十千玉盤珍羞直萬錢停盃投箸不能食拔劍  
四顧心茫然欲度黃河水無川將登太行雪暗天閑居垂釣



坐谿上。忽然乘舟夢日邊。行路難。行路難。多岐路。今安在。長風破浪會。有時直挂雲帆濟滄海。

大道如青天。我獨不得出。羞逐長安社中兒。赤鷄白狗賭梨栗。彈劍作歌奏苦聲。曳裾王門不稱情。淮陰市井笑韓信。漢朝公卿忌賈生。君不見。昔時燕家重郭隗。擁篲折腰無嫌猜。劇辛樂毅感恩分。輸肝剖膽效英才。昭王白骨縈蔓草。誰人更掃黃金臺。行路難。歸去來。

有耳莫洗穎川水。有口莫食首陽蕨。含光混世貴無名。何用孤高比雲月。吾觀自古賢達人。功成不退皆隕身。子胥既棄吳江上。屈原終投湘水濱。陸機雄才豈自保。李斯稅駕苦不早。華亭鶴唳誰可聞。上。祭蒼鷹。鳥何足道。君不見。吳中張翰稱達生。秋風忽憶江東行。且樂生前一盃酒。何須身後千載名。

樹中草

鳥銜野田草。誤入枯桑裏。客土植。以爲根。逢春猶不死。草木雖無情。因依尚可生。如何同枝葉。各自有枯榮。

于闐採花

于闐採花人。自言花相似。明妃一詔刊。西入胡。胡中美女多羞死。乃知漢地多明姝。胡中無花可去。比丹青能令醜者妍。無鹽翻在深宮裏。自古妬娥眉。胡沙埋皓齒。

秦女卷衣

天子居未央。妾侍卷衣裳。顧無紫衣寵。敢拂黃金林。水至亦不去。熊來尚可當。微身奉日月。飄若石螢火光。願君採葑菲。無以下體妨。

邯鄲才人嫁為厮養卒婦



妾本叢臺女。楊蛾入丹闕。自倚顏如花。寧知有凋歇。一辭玉  
塔下。去若朝雲沒。每憶邯鄲城。深宮只夢秋月。君王不可見。惆  
悵至明發。

空城雀

嗷々空城雀。身計何戚促。本與鷦鷯群。不隨鳳皇族。提携四  
黃口。飲乳未嘗足。食君糠粃餘。常恐心為逐。恥涉太行險。羞  
營覆車粟。天命有定端。守分絕所歎。

君馬黃

君馬黃。我馬白。馬色雖不同。人心本無隔。共作遊冶盤。雙行  
洛陽陌。長劍既照曜。高冠何赫赫。冬有千金裘。俱為五侯客。  
猛虎落陷穽。壯夫時屈厄。相知在人心。難獨好亦何益。

有所思

我思仙人。乃在碧海之東。隅海寒多天風。白波連山倒蓬壺。  
長鯨噴湧不可涉。撫心茫茫淚如珠。西來青鳥東飛去。願寄  
一書謝麻姑。

關山月

明月出天山。蒼茫雲海間。長風幾萬里。吹度玉門關。漢下白  
登道。胡窺青海灣。由來征戰地。不見有人還。戍客望邊色。思  
歸多苦顏。高樓當此夜。歎息未應閑。

枯魚過河泣

白龍改常服。偶被豫且制。誰使爾為魚。徒勞訴天帝。作書與  
鯨鯢。勿恃風濤勢。濤落歸泥沙。翻遭螻蟻噬。萬乘慎出入。柏  
人以為誠識。

湖邊採蓮婦



小姑織白紵。未解將人語。大嫂採芙蓉。溪湖千萬重。長兄行不在。莫使外人逢。顏學秋胡婦。真心比枯松。

芳樹

韋應物

京兆人為蘇州刺史

迢迢芳園樹。列映清池曲。對此傷人心。還如故時綠。風條洒餘露。露葉承新旭。佳人不再攀。下有往來躅。

有所思

借問江上柳。青為誰去。空遊昨日地。不見昨日人。繚繞萬家井。往來車馬塵。莫道無相識。要非心所親。

宮中調笑二首

胡馬胡馬。遠放燕支山下。咆沙咆雪獨嘶。東望西望路茫茫。路迷路。邊草無窮日暮。

河漢河漢。曉挂秋城漫。愁人起望相思。江南塞北別

別離別河漢。雖同路。能

湘妃怨

孟東野

名郊武康人。溧陽尉。

南巡竟不返。帝子怨公。湘積萬里。喪蛾眉。瀟湘水。空碧。碧。真荒山下。古廟收貞魄。喬木深青春。清光滿。瑶席。舉芳徒。有薦靈意殊脉脉。玉佩不可親。徘徊煙波夕。

有所思

桔槔烽火晝不滅。客路迢迢。信難越。古鎮刀攢萬片霜。寒江良起千堆雪。此時西去定如何。空使南心遠。淒切。

折楊柳

楊柳多短枝。短枝多別離。贈遠累攀折。柔條安得垂。青春有定節。離別無定時。但恐人別促。不怨來遲。莫言短枝條。終有長相思。朱顏與綠楊。併在別離期。



古樂府雜怨三首

夭桃花清晨遊女紅粉新  
夭桃花薄暮遊女紅粉以樹有百  
度花人無一定顏花送人老盡人悲花自閑  
貧女鏡不明寒日花少容暗蛩有虛織短線無長縫浪水不  
可照狂夫不可從浪水多散影狂夫多異蹤持此一生薄空  
成萬恨濃

憶人莫至悲至悲空自衰  
寄人莫翦衣翦衣未必歸朝為雙  
蒂花暮為四散飛落花却遶樹遊子不顧期

烏夜啼

王仲初

各建漢川人  
陝州司馬

庭樹烏爾何不向別處棲  
夜半當戶啼家人把燭出洞戶  
驚栖失群飛落樹一飛直欲飛上天  
以之不離舊栖處未明  
重繞主人屋欲下空中黑相觸  
風飄雨濕亦不移君家樹頭

多好枝

塞上

漫之復淒之黃沙暮漸迷  
人當故鄉立馬過舊營嘶斷  
雁逢水磧四軍占雪溪  
夜來山下哭應是送降奚

渡遼水

渡遼水此去咸陽五千里  
來時父母知隔生重著衣裳如送  
死亦有白骨歸咸陽  
營家各與題本鄉身在應無回渡日  
駐馬相看遼水傍

思遠人

妾思常懸君行復綿  
征途向何處碧海與青天  
歲久自有念誰令長在邊  
必斗若不歸蕭室如黃泉

空城雀



空城雀何不飛來入家住。空城無人種禾黍。土間生子草間長。滿地蓬蒿幸無主。山村雖有高樹枝。雨中無食長苦飢。八月小兒挾弓箭。家家畏我田頭飛。但能不出空城裏。秋時百草皆有子。黃口黃口昔大歌。長爾得成無橫死。

長相思

令狐八慤士

各夢號自雲  
儒子遷御史

君行登隴上。妾夢在關中。玉筋千行落。銀牀一半空。綺席春眠覺。紗牕曉汐生。迷朦朧。殘夢裏。猶自在。遼西。

行路難

二首

一負蘭進明  
荆南人

君不見門前柳。榮耀幾時蕭索久。君不見陌上花。狂風吹去落。誰家隣家思婦見之。其歎蓬首不梳心。歷亂盛年夫婿長別離。歲暮相逢色凋換。

君不見芳樹枝。春花若盡蜂不窺。君不見梁上泥。秋風始高燕不栖。蕩子從軍事。征戰蛾眉嬾娟守空閨。獨對。欲堪下淚。况復時聞烏夜啼。

折楊柳

李端

趙州人  
校書郎

東城攀柳葉。柳葉低着草。少壯莫輕年。輕年有人老。柳發遍川岡。登高堪斷腸。雨烟輕漠。何樹近君鄉。贈君折楊柳。顏色豈能久。上客莫沾巾。佳人正回首。新柳送君行。古柳傷君情。突兀臨荒渡。婆娑出舊營。隋家兩岸盡。陶宅五株平。日暮偏愁望。春山有鳥聲。

千里思

涼州風月美。遠望居延路。泛泛下天雲。青青綠塞樹。燕山蘇武上海島。田橫住。更是草生時。行人出門去。

荊州泊



南樓西下時。月裏聞來棹。桂水舳舻回。荊州津濟開。移帷望  
星漢。引帶思容貌。今夜一江人。唯應妾身覺。

獨不見

戴幼公

名叔倫。仕人累任。容管經畧使。

前宮路非遠。舊苑春將遍。玉戶看早梅。雕梁數歸鷺。身輕逐  
舞袖。香暖傳歌扇。自知秋風詞。長侍昭陽殿。誰信後庭人。  
年々獨不見。

來從寶車騎

李君虞

名益隴。西人。禮部尚書。

束髮逢世屯。懷恩抱明義。讀書良不武。學劍暫非智。遂別魯  
諸生。來從寶車騎。追兵赴邊急。絡馬黃金纆。出入燕南陔。由  
來重意氣。自經臯蘭戰。又破樓煩地。西北護三邊。東南留一  
尉。時過如雲雨。參差不自意。將軍失志澤。萬事從此異。置酒  
高樓上。薄暮秋風起。長戟與我歸。歸來同棄置。自酌還自飲。  
非名又非利。歌出易水寒。琴下雍門淚。出逢平樂舊。言在天  
階侍。問我從軍苦。自陳少年貴。大交四海從。論身自致漢  
軍。不封侯。蘇卿來遠使。令我終此曲。此曲成不易。貴人難識  
心。何由知忌諱。

銅雀妓

歐陽行周

蕭條登古臺。回首黃金屋。落葉不歸林。高陵亦為谷。粧容徒  
自麗。舞態閱誰目。惆悵總惟前。歌聲苦於哭。

楊白花

柳子厚

楊白花。風吹渡江水。坐令宮樹無顏色。搖蕩春光千萬里。茫  
茫曉日下長秋。哀歌未斷城鴉起。

行路難

君不見。夸父逐日。窺虞淵。跳跟北溟。超崑崙。披霄決漢。出沉



湔。瞥裂左右遺星辰。馭吏力盡道。洵死。狐鼠蜂蟻爭噬吞。此  
方。諍人長九寸。問口抵掌更笑喧。歎。飲食滴與粒。生死亦  
足終天年。睢盱大志少成遂。坐使。兒女相悲憐。

妾薄命

張文昌

昭籍

州人

薄命婦。良家子。無事從軍去萬里。漢家天子平四夷。護羌都  
尉。裹屍歸。念君此行為死別。對。秋。縱。泉。下。衣。與。君。一。日。為。  
夫婦。千年萬歲亦相守。君愛龍城。戰功妾願青樓歡樂同。  
人生各各有所欲。詎得將心入君腹。

朱鷺

翻。兮。朱鷺。來。汎。春。塘。栖。綠。樹。羽。如。翳。色。如。染。遠。飛。欲。下。  
雙翅。斂。避。人。引。子。入。深。漸。動。處。水。似。開。澀。誰。知。豪。家。網。爾。  
軀。不。如。飲。啄。江。海。隅。

遠別

蓮葉團。杏

萬里獨為客。

城南陌。勿使。人。去。行。役。

獨不見

相。物。景。山

各巨源

東風。豔。陽。色。柳。絲。化。如。霰。競。理。同。心。葉。爭。持。合。歡。扇。香。傳。賈  
娘。手。粉。離。何。即。面。取。恨。卷。簾。時。含。情。獨。不。見。

冬白紵

元微之

名積。河南人。同中。書門下平章事。

吳宮。夜。長。宮。漏。款。廉。幕。四。垂。燈。焰。暖。西。施。自。舞。王。自。管。雪。紵。  
翻。鶴。翎。散。促。節。立。舞。舞。腰。軟。舞。腰。軟。王。罷。飲。蓋。覆。西。施。鳳。花。  
錦。身。作。牀。臂。為。枕。胡。珮。撻。王。宴。寢。醒。來。閣。門。報。無。事。子。胥。死。  
後。言。為。諱。所。王。之。臣。以。調。王。意。共。笑。越。王。窮。喘。夜。抱。冰。寒。不。睡。



夫遠征

趙卒四十萬盡為坑中鬼。趙王未信趙母言。猶點新兵更填死。填死之兵氣索。秦疆趙破括敵起。括雖專命起尚輕。何況牽肘之人牽不已。坑中之鬼妻在營。髮麻戴經鵝鴈鳴。送夫之婦又行哭。聲送死非送行。夫遠征遠征不必戍長城。出門便不知死生。

夢上天

夢上高天高天蒼蒼高不極。下視五嶽塊礫。仰天依舊蒼蒼色。踏雲躡足更上攀。攀天上天攀未得。西瞻若木兔輪低。東望蟠桃海波黑。日月之光不到此。非暗非明烟塞天。悠地遠身跨風下。無階梯上無力。來時畏有他人上。截斷龍胡斬鵬翼。茫茫方自悲。哭向青雲柏素臆。哭聲厭厭咽。苦

人惡喚起悲淚。露千慙萬謝。嗚呼。何使無君終不寤。

八駿圖

穆滿志空闊。將行九州野。神馭四來歸。天與八駿馬。龍種無凡性。龍行無暫捨。朝辭浮桑底。暮宿崑崙窟。下界真凡音。蹄聲裂寒瓦。尾掉滄波黑。汗滌浮雲楮。華軸下脩密。翠蓋如治。御者腕不移。乘者絛不假。車無輪扁斲。網無王良把。雖有萬駿來。誰是敢騎者。

太平樂二首

白樂天

歲豐仍節儉。時泰更銷兵。聖念常如此。何憂不太平。湛露浮堯酒。薰風起舜歌。願同堯舜意。所樂在人和。

憶江南二首

江南好。風景舊曾諳。日出江花紅勝火。春來江水綠於藍。能



不憶江南。

江南憶最憶是杭州。山寺月中尋桂子。郡亭枕上看潮頭。何日更重遊。

江南憶其次憶吳宮。吳酒一杯春竹葉。吳娃雙舞醉芙蓉。早晚復相逢。

烏夜啼

城上歸時晚。庭前宿處危。月明無葉樹。霜滑有風枝。啼澀飢喉。咽飛低凍翅。垂。畫堂鸚鵡鳥。冷暖不相知。

潛別離

不得哭。潛別離。不得語。暗相思。兩心之外無人知。深籠夜鎖。獨棲鳥。利劍春斷。連理枝。河水雖濁有清日。烏頭雖黑有白時。唯有潛離與暗別。彼此甘心無後期。

海漫

其下無云。勢無邊。雲濤煙浪最深處。人傳中有

仙。秦皇漢武信此語。方

士年。採藥去。蓬萊今古但聞名。煙水茫茫無覓處。海漫

風浩。不見蓬萊島。不見蓬萊。來不敢歸。童男。巾女。舟中

老徐福。文成多誑誕。上元太一。虛心。川禱。君看驪山頂上。茂陵

頭。畢竟悲風吹蔓草。何況玄元聖。但五千言。不言藥。不言仙。

不言白日昇青天。

立部伎

立部伎。鼓笛誼。舞雙劍。跳九丸。嬌巨索。掉長竿。太常部伎有等級。堂上者坐。堂下立。堂上坐部。笙。立部。鼓笛。鳴笙。歌一聲。衆側耳。鼓笛萬曲。無人聽。立部賤。坐部貴。坐部退。為



立部伎擊鼓吹笙和雜戲之部又退何所任始就樂懸操雅  
音雅音替壞一至此長令爾輩調古徵圓丘后土郊祀時言  
將此樂感神祇欲望鳳來百獸舞何異北猿將適林工師愚  
賤安足云太常三卿爾何人

華原磬

華原磬華原磬古人不聽今人聽泗濱石泗濱石今人不擊  
古人擊今人古人何不同用之捨之由樂工樂工雖在耳如  
壁不分清濁即為聲梨園弟子調律作品知有新聲不如古古  
稱浮磬出泗濱立辯致死聲感人官懸一聽華原石君心遂  
忘封疆臣果然胡寇從燕起武臣以背封疆死始知樂與時  
政通豈聽鏗鏘而已矣磬襄入海去不歸長安市人為樂師  
華原磬與泗濱石清濁兩聲誰得

生離別

食蘖不易食梅難蘖能苦兮梅能酸未如生別之為難苦在  
心兮酸在肝晨鷄載鳴殘月沒征馬重嘶行人出迴看骨肉  
哭一聲梅酸蘖若甘如蜜黃河水白黃雲秋行人河邊相對  
愁天寒野曠何處宿棠梨葉戰風颭生離別生離別憂後  
中來無斷絕憂積心勞血氣衰未年三十生白髮

浪淘沙五首

劉夢得

九曲黃河萬里沙浪淘風簸自天涯如今直上銀河去同到  
牽牛織女家

洛水橋邊春日斜碧流輕淺見瓊沙無端陌上狂風急驚起  
鴛鴦出浪花

鸚鵡洲頭浪颭沙青樓春望日將斜啣泥燕子爭歸舍獨自



狂夫不憶家。

日照澄洲江霧開。淘金女伴滿江隈。美人首飾侯王印。盡是

沙中浪底來。

八月濤聲吼地來。頭高數丈觸山迴。須臾却入海門去。卷起

沙堆似雪堆。

拋毬樂二首

五綵綉圍。登君玳瑁筵。最宜紅燭下。偏稱落花前。上客如

先起。應須贈一船。

春早見花枝。朝恨發遲。及看花落後。却憶未開時。幸有拋

毬樂。一盃君莫辭。

瀟湘神二首

湘水流。湘水流。九疑雲物古今愁。君問二妃何處所。零陵香

草露中秋。

斑竹枝。斑竹枝。淚痕點點寄相思。楚客欲聽瑤瑟怨。瀟湘深

夜月明時。

愛妾換馬二首

張承吉

各補前

一面妖桃千里蹄。嬌姿駿骨價應齊。乍牽玉勒辭金棧。催整

花鈿出繡闥。去日豈無沾袂泣。歸時還有頓銜嘶。嬋娟蹙蹙

春風裏。揮首搖鞭揚柳堤。

綺閣香銷華旣空。忍將行雨換追風。休憐柳葉雙眉翠。却愛

桃花兩耳紅。侍宴永辭春色裏。趁朝休立漏聲中。息勞未盡

情先盡。暗泣嘶風兩意同。

樹中草

青樹中草。託根非不危。草生樹却死。榮枯君可知。



塞上 鮑德源 名溶元 和進士

朔風號薊門。殺氣日夜興。咸陽三千里。鐵馬如飢鷹。行子久  
去鄉。見山不敢登。寒日慘大野。虜雲若飛騰。西北防秋軍。塵  
幢宿層冰。匈奴天未喪。戰鼓長騰。漢卒馬上老。樊纓空絲  
繩。誠知天所驕。欲罷又不能。

烏夜啼 李文山 名群 玉澧州人 弘文館校書

曾波隔夢時。一望青楓林。有鳥在其間。達曉自悲吟。是時月  
黑天。四野烟雨深。如聞生離哭。其聲痛人心。悄。夜正長。空  
山響哀音。遠客不可聽。坐愁華髮侵。既非蜀帝魂。恐是恒山  
禽。四子各分散。母聲猶至今。

達磨支 温飛卿 名庭筠 并州人 國子助教

博蔚成塵香不滅。初蓮作寸絲。難絕紅淚文姬。洛水春。白頭

蘇武天山雪。君不見無愁高緯花。漫。漳浦宴餘清露寒。一

旦臣寮共囚虜。似吹羌管先沈瀾。舊臣頭髮霜華早。可惜雄

心醉中老。萬古。台歸夢不歸。鄴城風雨連天草。

戰城南 劉司南 名駕 江東人

城前水聲苦。倏忽流萬古。莫爭城外地。城裏有閑土。

艾如張 李長吉 名賀 鄭士之 孫協律郎

錦檐褭繡檔。標。恒疆啄禽哺。爾鷄龍東卧。穠滿風雨。莫逐良

媒龍西去。齊人。似網如素空。張在野田平。碧中。網絲漠漠無

形影。誤爾觸之。石。吻首紅。艾葉綠花誰剪。刻中藏禍機。不可識

巫山高

碧叢。高插天。八江翻瀾神曳烟。楚魂尋夢風。颺然曉風飛

雨生苔。錢瑤姬。去一千年。丁香筇竹啼老猿。古祠近月蟾



桂寒。柝花墜。紅澗雲間。

堂堂

堂堂復堂堂。紅心梅灰香。十年粉蠹生畫梁。飢虫不食。推碎

黃蕙。花已老。桃亦長。禁院懸簾。隔御光。華清源中。碧石湯。徘徊

迴。百鳳隨君王。

少年樂

芳草落花如錦地。二十長遊。醉鄉裏。紅纓不重白馬驕。垂柳

金絲香拂水。吳娥未笑。花不開。綠髮。簪墮。蘭雲起。陸郎倚醉

牽羅袂。奪得寶釵金翡翠。

飲酒樂

名夷中河東人進士

日月似有事。二夜行一周。草木猶須老。人生得無愁。一飲解

百結。再飲破百變。白髮欺貧賤。不入醉人頭。我願東海水。盡

向杯中流。安得。旣步兵。同入醉鄉遊。

大垂手

金刀翦輕雲。盤用黃金縷。裝束趙飛燕。教來。手上舞。舞罷飛

燕死。片。隨風去。

芳樹

徐彥伯

玉花珍簾上。金縷畫屏開。曉月憐箏柱。春風憶鏡臺。箏柱春

風吹。曉月。芳樹落花朝。暝歌。棠砧。刀頭。未有時。攀條拭淚坐

相思。

古別離

吳子華

名融山陰人翰林丞旨

紫燕黃鸝。雖別離。一舉千里。何難追。猶聞啼風。與叫月。流連

斷續。令人悲。賦情更有深。繾綣碧甃。千尋尚為淺。蟾蜍正向

清夜流。蛺蝶須教有。絲管莫道斷。絲不可續。丹穴鳳皇膠。不



遠草草通流水不迴海上兩潮長自返

塞上一首

杜彥之

名荀鶴翰林學士号九華山人

草白河冰合。蕃戎出掠頻。戍樓三號火。探馬一條塵。戰士風霜老。將軍雨露新。對侯不由此。何以慰征人。

旌旗獵獵。漢將軍。閑出巡遊帝命新。沙塞旋收饒帳幙。大戎時殺少烟塵。冰河夜渡偷來馬。雪嶺朝飛獵去人。獨作書生疑不穩。軟弓輕劍也隨身。

湘中弦二首

崔禮山

名塗光啓中進士

烟愁雨細雲冥冥。杜蘭香老三湘清。故山望斷不知處。鷓鴣隔花啼一聲。

蒼山遙下江潏潏。路傍老盡無閑人。王孫不見草空綠。惆悵渡頭春復春。

塞上

譚用之

秋風漢北鴈飛天。單騎那堪遠賀蘭。磧暗更無巖樹影。地平時有野燒痕。貂披寒色和衣冷。劍佩胡霜隔匣寒。早晚橫戈似飛尉。擁旄深入異田單。

幽居弄

顧逋翁

名况蘇州人官至著作郎

苔衣生。花露滴。月入西林蕩東壁。扣商占角兩三聲。洞戶豁窓一冥寂。獨去滄洲無四鄰。身嬰世網此何身。關情命曲寄惆悵。久別江南山裏人。

行路難二首

君不見。擔雪塞井徒用力。炊沙作飯豈堪喫。一生肝膽向人盡。相識不如不相識。冬青樹上挂凌霄。歲晏花凋樹不彫。凡物各自有根本。種禾終不生豆苗。行路難。行路難。何處是平



道中心無事當富貴今日覺君顏色好

君不見少年頭上如雲髮少壯如雲老如雪豈知灌頂有醍醐能使清涼頭不熱呂梁之水挂飛流鼃鼃蛟蜃不敢游少年恃險若平地獨倚長劍凌清秋行路難行路難昔少年今已老前朝竹帛事皆空日暮牛羊古城草

折楊柳

翁綬

紫陌金堤映綺羅遊人處動離歌陰移古戍迷荒草花帶殘陽落遠波臺上少年歌白雪樓中思婦斂青蛾殷勤攀折贈行客此去關山雨雪多

婕妤怨

東流水團扇悲歌萬古愁  
紅蘭不待秋花落昭陽誰共替月明長信獨登樓繁華事逐  
東流水團扇悲歌萬古愁

行路難

行路艱難不復歌故人榮達我蹉跎雙輪晚下銅臺雪一葉春浮瘴海波自古要津皆若此方今失路欲如何君看西漢翟丞相鳳沼朝辭暮雀羅

楚調 薛奇童

禁苑春風起流鶯繞合懽玉窓通日氣珠箔捲輕寒楊葉垂陰砌梨花入井欄君王好長袖新作舞衣寬

昔昔鹽二十首

趙承吉名嶺山陽渭南尉

垂柳拂金堤

新年垂柳色嬌嬌對空闈不畏芳菲好自緣離別啼因風飄玉戶向日映金堤驛使何時度還將贈隴西



薜蘿葉復齊

提筐紅葉下。度日採薜蘿。掬翠香盈袖。看花憶故夫。葉齊唯復見。風暖恨偏孤。一被春光累。容顏與昔殊。

水溢芙蓉沼

綠沼春光後。青草色濃綺。羅鷺翡翠翠。暗粉妬芙蓉。雲漏牕前見。荷翻鏡裏逢。將心託流水。終日渺無從。

花飛桃李蹊

遠期難可託。桃李自依依。花徑無容跡。衣裘未下機。隨風開又落。度日掃還飛。欲折枝。贈那知歸不歸。

採桑秦氏女

南陌採桑出。誰知妾姓秦。獨憐傾國貌。不負早鶯春。珠履盪花濕。龍鉤折桂新。使君那駐馬。自有侍中人。

織錦窳家妻

當年誰不羨。分作窳家妻。錦字行。苦羅惟日。啼豈知登甌遠。祇恨下機迷。直候陽關使。殷勤寄海西。

關山別蕩子

那堪聞蕩子。迢遞涉關山。腸馬嘶斷衣。後淚滴斑斑。愁看塞上路。詎惜鏡中顏。儻見征西鴈。應傳一字還。

風月守空閨

良人猶遠戍。耿夜闌空。綉戶流宵月。羅帷坐曉風。魂飛沙帳北。腸斷玉關中。尚自無消息。錦衾那得同。

恒斂千金笑

玉顏恒自斂。羞出鏡臺前。早感陽城客。今悲華錦筵。從軍入更遠。投喜鵲空傳。夫婿交河北。迢路幾千。



長垂雙玉啼

雙紅淚墮度日暗中啼。鴈出居延北。人猶遼海西。向燈垂玉枕。對月洒金闈。不惜羅衣濕。惟愁歸意迷。

蟠龍隨鏡隱

鸞鏡無由照。蛾眉豈忍看。不知愁髮換。空見隱龍蟠。那慳紅顏改。偏傷白日殘。今朝窺玉匣。雙淚落闌干。

綵鳳逐帷低

巧繡雙飛鳳。朝伴下帷。春花那見照。暮色已頻欺。欲卷思君處。將啼衰淚時。何年征戍客。傳語報佳期。

驚魂同夜鵲

萬里無人見。衆情難與論。思君常入夢。同鵲屢驚魂。孤寢紅羅帳。雙啼玉筋痕。妾心甘自保。豈復暫忘恩。

倦寢聽晨鷄

去邊城騎。愁眠掩夜闈。披衣窺落月。拭淚待鳴鷄。不惜連年別。那堪長夜啼。功成應自恨。早晚發遼西。

暗牖懸蛛網

暗中蛛網織。歷亂綺窓前。萬里終無信。一條徒自懸。分從珠露滴。愁見隙風牽。妾意何聊賴。看劇斷絃。

空梁落鷺泥

春至今朝鷺。花時伴獨啼。飛斜珠箔隔。語盡梁低。惟卷閣。窺戶牀空暗。落泥誰能長。對與雙去。復雙栖。

前年過代北

代北幾千里。前年又復經。燕山雲自合。胡塞草應青。鐵馬喧鞞鼓。蛾眉怨錦屏。不知羌笛曲。掩淚若為聽。



今歲往遼西

萬里飛書至。聞君已渡遼。抵諳新別苦。忘却舊時嬌。烽火戍年將老。紅顏日向彫。胡沙兼漢苑。相望幾迢迢。

一去無還意

良人征絕域。一去不言還。日戰攻胡虜。三冬阻玉關。蕭蕭邊馬思。獵獵戍旗閑。獨把千重恨。連年未解顏。

那能惜馬蹄

雲中路杳。江畔草淒。妾父垂珠淚。君何惜馬蹄。邊風悲曉角。營月怨春顰。未道休征戰。愁眉又復低。

採蓮女 閻朝隱

採蓮女。採蓮舟。春日春江碧水流。蓮衣承玉釧。蓮刺罥銀鈎。薄暮歎容歌一曲。氤氳香氣滿汀洲。

有所思

劉氏雲

朝亦有所思。暮亦有所思。登樓望君處。藹藹浮雲飛。浮雲渡却陽關道。向晚誰知妾懷抱。玉井蒼苔春院深。桐花落地無人掃。

古別離二首

施肩吾 名希聖 睦州人

古人謾歌西飛燕。十年不見狂夫面。三更風作切夢刀。萬轉愁成繫腸線。所嗟不及牛女星。一年一度得相見。

老母別愛子。少妻送征郎。血流既四面。乃亦斷二腸。不愁寒無衣。不怕飢無糧。惟恐征戰不還鄉。母化為鬼妻為孀。

起夜來

香銷連理帶。塵復合歡杯。嬾臥相思枕。愁吟起夜來。

春遊樂



一年三百六十日。賞心那似春中物。草迷曲塢花滿園。東家少年西家出。

臨高臺 褚希明 名亮 弘文館十人

高臺暫俯臨。飛翼聳輕音。浮光隨日度。漾影逐波深。迴瞰周平野。開懷暢遠襟。獨此三休上。還傷千歲心。

樂府 權載之 名德 與秦州人 平章士

先風澹蕩百花吐。樓上朝朝學歌舞。身年二八墮侍中。幼妹承恩兄尚主。綠牕珠箔綉鴛鴦。侍婢先焚司扣香。鶯啼日出不知曙。寂寂羅幃春夢長。

聖明樂三首 張繪之 名仲 素

玉帛殊方至。歌鍾比屋聞。華夷今一貫。同賀聖明君。  
海狼恬丹徼。邊塵靖黑山。從今萬里外。不復鎮蕭關。

九陌祥烟合。千春瑞月明。宮華將苑柳。先發鳳皇城。

塞下二首 沈彬

貴主和親殺氣沉。燕山閑獵鼓聲音。旗分雪草偷邊馬。箭入寒雲落塞禽。隴月盡牽鄉思動。戰衣誰寄淚痕深。金釵謾作封侯別。擘破佳人萬里心。

月冷榆關過雁行。將軍寒笛老思鄉。貳師骨恨千夫壯。李廣魂飛一劍長。戍角就沙催落日。陰雲分磧護秋霜。誰知漢武輕中國。閑奪天山草木荒。

鳳歸雲二首 滕潛

金井攔邊見羽儀。梧桐樹上宿寒枝。五陵公子憐文綵。畫與佳人刺綉衣。

飲啄蓬山最上頭。烟飛下禁城秋。曾將弄玉歸雲去。金翽



斜開十二樓

塞上 鄭澐

出門何處問西東。指畫翻為語論同。到此客頭潛覺白。未秋  
山葉已飄紅。帳前影落傳書鴈。日下聲交失馬翁。早晚回鞭  
復南去。大衣高蓋漢鄉風。

巫山高

于子漪

名濱寓居  
楚山之南

何山無朝雲。彼雲亦悠揚。何山無暮雨。彼雨亦蒼茫。宋玉恃  
才者。憑雲構高堂。自重文賦名。荒淫歸楚襄。峨峨十二峯。永  
作妖鬼鄉。

芳樹

羅昭諫

細蕊慢逐風。暖香開破鼻。青帝固有心。時、動人意。去年高  
枝猶壓地。今年低枝已憔悴。吾所以見造化之權。變通之理。

春夏作頭。秋冬為尾。循環反覆無窮。已今生長短同一軌。若

使威可以制力。可以止秦皇不肯斂手下沙丘。孟賁不合低  
頭入蒿里。伊人疆猛猶如此。顧我勞生何足恃。但願素袍傾  
綠蟻。陶兀大醉於青冥。白晝間任他上是天。下是地。

長相思

張懿孫 名繼襄川  
進士

遼陽望河縣。白首無人見。海上珊瑚枝。年、寄春鷺。

茱萸女 萬楚

山陰柳家女。九日採茱萸。復得東鄰伴。雙為陌上姝。插花向  
高髻。結子置長裾。作性恒遲緩。非關姑丈夫。平明折林樹。日  
入反城隅。俠客邀羅袖。行人挑短書。蛾眉自有主。年少莫踟躕。

長相思

即大家宋氏

長相思。六離別。關山阻。風烟絕。臺上鏡文銷。袖中書字滅。不



見君形影何曾有懽悅。

君子有所思

釋德隱

名貫休  
蘭溪人

安得龍猛筆點石為黃金散向酷吏家使無貪殘心甘棠密  
葉成翠嚙頰鳳不來天地塞所以傾城人如今不可得。

江妻

秦之無道兮四海枯築長城兮渡北胡築人築土一萬里在  
梁貞婦啼鳴。上無父兮中無夫。下無子兮孤復孤。一號城  
崩塞色苦再號把梁骨出土。疲魂飢魄相逐歸陌上少年莫  
相非。

行路難

君不見道傍廢井生古木。本是驕奢貴人屋。幾度美人將  
來。素纒銀瓶濯織玉。雲飛雨散今如此。綉閣雕梁作荒  
蕪。

渭筌歌君莫誇。不應長是西家哭。休說遺編行者幾。至竟終  
須合天理。敗他成此亦何功。蘇張終作多言鬼。行路難。行路  
難。不在羊腸裡。

九有茫々共堯日。浪死虛生亦非一。清淨玄音竟不聞。花眼  
酒腸暗如漆。或偶因片言隻字登第光。二親又不能獻可替  
不航要津。口談義軒與周孔。履行不及屠沽人。行路難。行路  
難。日暮途遠空悲歎。

戰城南二首

萬里桑乾傍。茫茫古蕃壤。將軍貌憔悴。撫劍悲年長。胡兵尚  
陵逼。久住亦非強。邯鄲少年輩。箇箇有伎倆。拖槍半夜去。雪  
片大如掌。

積石有陰兵。戰馬時驚蹶。輕猛李陵心。摧殘蘇武節。黃金鑠



子甲風吹色如鉄。十載不封侯。茫々向誰說。

臨高臺

涼風吹遠念。使我升高臺。寧知數片雲。不是舊山來。故人天一涯。久客殊未回。鴈來不得書。空寄聲哀哀。

巫山高

釋齊己 長沙胡氏

巫山高。巫女妖。雨為暮兮雲為朝。楚王憔悴魂欲銷。秋猿嗥。嗥日將夕。紅霞紫烟凝老壁。千巖萬壑花皆坼。但恐芳菲無正色。不知今古行人行。幾人經此無秋情。雲深廟遠不可覓。十二峯頭插天碧。

飲馬長城窟

釋子蘭

游客長城下。飲馬長城窟。馬嘶聞水腥。為浸征人骨。豈不是流泉。終不成。潺湲洗盡骨上土。不洗骨中冤。骨若不流水。四海有還魂。空流嗚咽聲。中疑是言。

折楊柳

無名氏

楊柳青青着地垂。楊花漫漫攪天飛。柳條折盡花飛盡。借問行人歸不歸。

銅雀妓

僧皎然

彊開樽酒向陵看。憶得君王舊日歡。不覺餘歌悲自斷。非關艷曲轉聲難。

雀臺怨

程氏長文

君王去後行人絕。簫笳不響歌喉咽。雄劍無威光彩沈。寶瑟零落金星滅。玉階寂寂墜秋露。月照當時歌舞處。當時歌舞人不迴。化為今日西陵灰。

長門怨二首

劉氏媛



雨滴梧桐秋夜長。愁心。和雨到昭陽。淚痕不學君恩斷。拭却。千行更萬行。

學畫蛾眉獨出群。當時人道便承恩。經年不見君王面。花落。黃昏空掩門。

文翰類選大成卷第十





